

**Deskursu Badak husi S. E. Sr. Yoshitaka Hanada,
Embaixador Japaun nia ba Timor-Leste, iha Seremonia
Enviada ba programa Interkambiu Joventude
Iha Segunda, 19 Novembru, 2012**

Obrigado barak ba ita boot sira nia prezensa iha seremonia enviada ba programa interkambiu joventude entre Timor-Leste no Japaun.

Governu Japaun deside ona atu haruka mais ou menus foin sa'e Timor Oan nain 160 ba Japaun liu husi programa interkambiu ba joventude. Liu-liu, iha fim do Marsu, foin sa'e nain 130 sei ba visita area sira ne'ebe mak afeitadu husi rai-nakdoko no tsunami hodi haree direktamente prosesu rekuperasaun iha ne'eba no haklean liu tan sira nia komprensaun hamutuk ho foin sa'e Japones sira.

Hau fiar metin katak foin sa'e Timor Oan sira sei mantein no hametin nafatin amizade entre nasaun rua ne'e liu husi interaksaun husi povu ba povu.

Hau espera katak imi hotu mak iha ne'e sei hato'o ba ema Japones sira ne'ebe mak imi sei hasoru iha Japaun katak imi nia nasaun ne'e laos ona nasaun ida ne'ebe mak moris iha konflitu. Timor-Leste pasa ona era postu-konflitu ne'ebe fragil no hakat dadaun ba desenvolvimentu nasional.

Hau fiar katak imi sei haluan imi nia perspetivas no haklean imi nia komprensaun ba diferensia kultura ida, ninia povu no moris nune'e mos sira ne'ebe mak iha imi nia nasaun rasik. Hau hanoin katak imi nia visita ba Japaun ne'e sei sai nu'udar imi nia oportunidade primeira vez.

Ikus liu hau la haluha, ohin loron, ami iha tokador no kantador nain tolu husi Japaun. Sira introdus ona kultura Japones ba foin sa'e Timor Oan sira hodi hametin ita nia relasaun diplomatiku ho hanoin ba amizade ne'ebe dura. Sira sei anima ita nia seremonia enviada ne'e ho sira nia apresentasaun musika.

Obrigado barak.

[Remata]